

Den Tripartite mester musta cu "Afspraak" tin di worde respeta

Asina mandatarionan Hulandes no ta tuma nos hendenan local

ORANJESTAD (AAN): Dentro di poco lo bay tuma lugar un asina yama reunion di "Tri partite", na unda politiconan di Aruba, Hulanda y Antiyas lo sinta na mesa pa delibera riba diferente asunto.

Un di e puntonan cual sigur lo mester bin riba mesa ta e asunto di ta tuma nos Arubianonan haci.

Nos ministro di husticia na hopi ocasion ta laga su voz resona pero ta parce cu den su partido, hasta por tin di bisa cu coleganan ministro no ta papia mes y di 12 marionetanan no ta duna mercedo sosten no por spera mucho tampoco.

Den pueblo e impresion ta reina cu ministro di husticia ta worde laga na caya door di su mesun hendenan mientras e ta luchando su so.

Ta parce cu e ministro di husticia ta bringando guerra cu bandera den su man pero or cu e draai wak su tras e ta para su so y ningun hende di partido ta sostene.

Tur a lubida e lucha cu nos hendenan tin cu bin pa prome lugar.

Ta asina cu algun tempo atras a lucha pa nombramento di hefe di RST di Antiyas y Aruba.

Hopi a worde priminti na Aruba y Antiyas, pero funcionarionan Hulandes a logra pa nada di loke a worde priminti no tuma lugar y nan a nombra nan mesun hendenan.

Supuestamente tin intencion cu e proximo biaha lo nombra un candidato sea di Aruba of Antiyas.

Recien, esta aña pasa tambe tabata tin oportunidad pa dos polis di Aruba cu a solicita haya un posicion calve den RST y segun informe nan a worde haya apto pa bin na remarca pa un puesto na RST.

Nan a hasta bay Hulanda pa combersacion y Dios sa kico mas, pero cu seguridad ora nan regresa nan lo worde notifica di un ke otro.

Segun informe cual Diario ta dispone di dje ta indica atrobe cu nan a bay pass e yiunan di tera y a postula un Hulandes rib e posicion.

Un biaha mas a tuma nos hendenan haci, y ta di spera cu durante di "Tri partite", esnan cu ta papia asina tanto di pinda lo tin cu bay saca nan som y cuminsa pensa den nan mesun direccion si ta nan a haya saco di pinda pa nan

no reacciona y guli manda abao numa.

Ki tempo nos ta lanta para riba nos pianan y musta cu Aruba tambe tin algo di bisa den Reino y cu no mester sigui usa nos dirigenten pa "spek en bonen".

No mester bay busca pelea cu e politiconan Hulandes, pero bo mester lage sa cu bo tambe ta partner igual den reino y no nan so.

E asunto di nombramento di hefe pa team di RST a para bira un rotzooi riba su mes pasobra e forma con tabata konkel cu esnan cu a solicita y tabata tene nan na linea y cada biaha tabata bin cu tur sorto di argumento pa no pone un di nos hendenan riba e puesto di hefe, tabata bon bisto y despues cu e konkelmento a yega su punto culminante cu nos mesun hendenan a fada, otronan a logra di pone un hefe di Hulanda.

No tin nada contra pa laga un Hulandes Europeo asumi cierto puestonan na Aruba of Antiyas, pero no tuma hende haci tanto na Aruba como na Antiyas y haci como si fuera cu nos hendenan tambe ta bin na remarke pa haya

puestonan halto anto tras di cortina ta konkel cu cos ta para bira un rotzooi pa na final abo mes haci loke bo ta haya ta bon.

"Afspraak" mester worde respeta. Sino no coopera cu e "Rot Sooi Team" (RST) aki.

2 ANOCHI PROFETICO CU:

PROFETA STEPHEN I RITA FEDELE
DI U.S.A.


DIABIERNA 7 JAN, 7:30 ANOCHI
DIADOMINGO 9 JAN, 7:00 ANOCHI

IGLESIA TABERNACLE OF DAVID, NA CAYA MILO
CROES (FERGUSONSTRAAT) DILANTI DI
FLORAMARKET ENTRADA GRATIS

TELEFONNAN DI DIARIO

582-6747- FAX 582-8551

WANTA DURO?!!



BEST DEAL

Tel: 5827100

(Pariha di Aruba Bank Paradera)

BEST SHOPPING DEAL

Turibana Plaza

Tel: 5865455

Chines Tie
Antes Afl. 19,95
Awor Afl. 9,95

